## 庫全書

子部

之11-1111子前 字奇態橫生趙孟 話穕事爲多原本 **旨太常寺典簿書** 

金 定 匠 库 全 書 湖 目 □ (九 ] 正 ] 丁 ! 雜家類六 成書如蘇軾志林仇池筆記之類歟 意卷中趙復初二詩前後兩見字句亦有異同始 亦偶然襍錄未經編定之本後人因其墨迹繕錄 卷引李平許楮二事但錄舊文無所論斷莫詳其 可補 所能偽托且元初諸人亦別無稱因學齋者溶定 草不甚經意而筆墨之間具有雅人深致非俗士 學齋遂以此書為樞撰今考其書雖隨筆劄錄草 極作似乎可信末有厲鴞跋謂卷中金源八詩 劉和歸潛志之缺存之亦可以資采錄也開

隐居通議三十 所著也凡分十一 梅氏海棠詩有花甲重周人八十之句則壎入 為名殊不可解考其水雲村稿中延滿已未重題 然書中又稱至大辛亥為南剣州學官計其年 四十四年尚存最為老壽是書當其晚歳退休時 七十二矣日暮途窮復食元祿而是書乃以隱居 年二十則朱亡之時已年三十六故於朱多內詞 元劉無撰據字起潛南豐人書中自稱開慶元年 老狂遊水無 門理學三卷古賦二卷詩歌

次至四重全計划引用人的一至二十一十

る「ストリノミューストー」 ラーエニニ雑家類六 說源出於此皆郷曲門戸之私無庸深辨其經史 生於朱末舊集多存其所稱引之文今多未見其 門尤近於拜官小說惟評詩論文之二十卷則想 以下六門考證亦未為精核且多飽旬而鬼神 白王蟾游始知讀書為徒勞葢姚江晚年定論之 為正傳而援引朱子以合之至謂朱子後與道士 **鬼神襍錄各一卷其論理學以悟為宗尊陸九淵** 篇帙其所稱引之人个亦多莫識其姓名又多備 卷文章八卷駢儷三卷經史三卷禮樂造化地理

大三月重公野包丁 餘皆出於諸家說部之外於徵文考獻皆為有 之類頗足以廣聞見王於論詩論文尤多前輩緒 所未言厲鴞朱詩紀事載李義山詩不能舉其仕 游之從韓促胄以牽於愛簽切子之故爲他書之 優觀 壎所記乃知其嘗以江東提刑守池州凡此 觀燻所錄知朱元間行於世者乃有二本又如陸 梅花賦今惟據田藝衡留青日札傳鮮于樞所書 錄全篇首尾完具足以補諸家總集之遺如宋璟 篇又據李綱忠定集知原賦已亡綱為補作仝 (於11至11.1二子部

湛淵靜語 | 卷兩淮鹽攻 其人欺 書三分之一 **至嘗撰稽禮辨論韻原表石鼓文定本三書或即** 之足本固罕觀之祕笈矣書中間有案語葢其後 其,本別題曰泯稿卷帙頗少不知何人刪取是 固談藝者所必錄也壎所著水雲村稿世有]]本 **元白延撰珽字廷玉錢塘** 八所附自署其名曰凝考國初有南豐劉凝字二 附諸稿末殊為闕畧此為三十 (家於,西湖有泉自竺 卷

次定四車全書思言 第三三十二子前 其書於宋多內詞與劉壎相類然考延入元以後 戌稱 要是年六十三歲以長 歷推之當生於 宋理 轉常州路教授陞江浙等處副提舉遷淮東鹽 以李衎之薦授太平路儒學正未幾攝教授事葬 **崇淳祐八年戊申元兵破臨安時年二十七矣故** 而猶作朱遺民之詞其進退無據亦與壎相類也 海陵周埬所編前有奨自序又有埬序題至大唐 大使再遷蘭谿州判官乃致仕則食元之祿久矣 山滙於其門延名曰湛淵因以為號是書爲其友 9

母ラー月 とまずま ■スニニニ 一雑家類六 歌調匡謬正俗為顏真卿作不知實出顏師古 家未有引用者不知李賀昌谷集中實有假龍 載理宗賜林希逸詩一 發本 欺厲鴞作朱詩紀事 蒐米極博而此書開 免稍有疏舛文中子李德林 本矣其中如謂皎然銅盌為龍吟歌詠房琯事詩 是書刀其穕記之文據卷末有明人跋語稱嘉靖 志之語辨常儀占月 |丙午鈔自崑山沈玉麟家而疑其不止此二卷殆 篇鶚不及收則鴞未見其 條亦史繩祖學齋佔畢 條乃晁公武讀 卷

又岂以道公禮思言 議相激而成不為無見必以為但因大有為一 則似又出於牵合非確論也然其他辨析考證 建廟鄒縣亦安石 皆入儒家至朱乃尊為經元豐末遂追封鄭國 秦晁公武讀書志稱王安石喜孟子自爲之解 故光著此書明其未可盡信其說為從來所未 子雱與其門人許允成皆有註釋葢唐以前孟子 條謂王安石援孟子大有為之說欲神宗師尊之 亦未免偶相剽襲其載倪思論司馬光疑孟 WK11m11111 叶奇 所為則謂光疑孟實由安石 瓿

金分口月四十十八九十二十二年家類六 椒齋古今難八卷典本大 史本傳邵經那宏簡錄黃虞稷干頃堂書目俱作 穿穴古今以成是書故有取於不外聽之義歟元 古今難當因字形相似傳寫致訛文淵閣書 十卷其以黈名者案漢書東方朔傳黈纊充耳 中固不失為佳本矣 以塞聰顏師古注曰示不外聽冶舜以專精單 取者多其記汴京故官尤為詳備在元人說部之 元李冶撰冶有測圓海鏡巳著錄此書原目凡四 目題 思

**欽定四庫全書總目 ▼卷一百二十二年**第八 内則 横生別解又如淳化閣帖漢章帝書干字文米芾 鍾爲 隱行怪乃素餐之素謂孟子兄戴蓋為一 蟲阜螽一條云師說相承五經大抵如此學者止 大旨也其中如謂蚩尤之名取義於虽虽之尤謂 可以意求之膠者不卓不膠則卓矣是其著書之 考證佐其議論詞鋒駿利博辨不窮其說毛詩草 句戴蓋即乘軒之義或不免於好爲僻論 篇甲瑣凡猥大類世所傳食纂謂中 (則併其時代亦誤矣其書皆訂正舊文以 句祿萬

當注經為常辨論語五十以學易謂論語為未學 辨鄭語收經入行核極謂經即京姟即垓韋昭不 把之司馬遷所配不謬孔穎達書正義所駁為 辨史記微子面縛左牽羊右把茅乃其從者牽之 月而冶即以為李白之子伯禽亦偶或失考然如 浦鹽官李伯禽嚴侮廟神其事在貞元中具有年 書史黃伯思法帖刊誤焘觀淮海集俱以爲僞 而冶據以駁干字文非周與嗣作太平 廣記載徐

飲定四庫全替總目 《卷]百三十二世元章: 紫上 及官衙皆可稱朝引後漢書劉龍成瑨及左傳伯 謂胡三省誤以長行局為長矛以及辨古者私家 權告天文謂不當呼上帝為爾辨通鑑握槊不 **魏志穿方覔土謂即算經之立方定率辨吳志孫** 書不誤而耒誤辨衞靑傳三干一十七級謂級字 辨張耒書鄒陽傳後謂韓安國實兩見長公主漢 **龍斷焉辨史記自敘颳駱相攻謂當爲閩越相攻** 作卒辨孟子龍斷即列子所謂冀之南漢之北無 一斬字顏師古誤蒙上捕字遂以生獲為級辨 七

李善註 共適冶所見本則作共食而駁一 作絜圍東也蘇軾赤壁賦今本作而吾與子之 巳君王之事因是巳二巳字个本並作以而證 詞徒憑臆斷者矣至於所引戰國策蔡聖侯 長笑引山海經為證皆具有根據要異乎虛關浮 有事為證辨佝僂丈人承蜩所以供食引內則鄭 元注苟子楊倞注為證辨吳都賦渾子長嘯當作 7 又大學絜矩个本章句作絜度也治所見本 阮籍詠懷詩所引實作已字足以考訂古 因

アルヨヨ な手見丁 一次二十二二十部 日聞錄一 是書多及應代故事畧如蔡邕獨斷崔豹古今註 書中皆稱元為國朝則前代遺老抱節不仕者也 間事下距洪武元年僅一二載其人當已入明然 依類分輯各為一 元李翀撰辦不見史傳惟書中紀至正甲辰丙午 四五然菁華具在猶可見其崖畧謹以經史子集 也雖原本久佚今採掇於承樂大典者不及十之 亦足以廣遲聞有元一 一卷永楽大 一卷以備考證之資焉 代之說部固未有過之者

金年四月子書名 一人一一二十二雜家類六 秀題三教圖之類亦未免傳聞附會然大 自唐以後始變節為旗考證未免少疎又如其德 州 司常諸侯建旂孤卿建爐大夫士建物師 給 詳核足與史志相參考數典者固宜有取也舊 五為節即掌節之節殊屬臆斷又謂唐以後有 襍家者流其中如謂典命以九為節以七為節 體而辨論差詳多有可采亦間及元代軼事 里建旗 門旗二龍虎旗一之 縣鄙建族已各以旗常為表識不得 類乃變節為旗不知 / 致引據 都 建 周 旗

勤有堂隨錄 空言者其謂陳安卿為朱門第一人黃頂卿李方 之文也雖多談義理而頗兼考證於宋末元初諸 元陳櫟撰櫟有書傳纂疏巳蓍錄此其隨筆劄記 其多者從之而附載姓氏之異同備考核焉 所題亦有一條作凌翀然其餘無作凌翀者今擇 **明堂書目載有是書而題作者為凌翀永樂大典** 八各舉其學問之源流文章之得失非泛泛托諸 **人供今以永樂大典所載抄合排比編爲** 一卷編修程晉

金分口月今青彩里 人大丁里丁一雜家類六 堂各者感而弗辨請為記以昭之云云詳其詞意 記 當成於晚年然其記集中不載而集末別有朱升 室廬韓公詩也詩書勤乃有亦韓公詩也觀吾家 劉辰翁父喪七年不除為好怪釣名尤平情之 不規規於門戸之見者矣樂定字集前載有年表 子多有差處謂楊誠齋亦間氣所生何可輕議謂 **卷稱至治三年年七十二作動有堂記則是書** 一於櫟夫婦辛勤以有此堂葢宋末建陽余氏書 篇述其曾孫鑿之言曰辛勤三十年始有此

王堂嘉話八卷江蘇巡撫 戊子紀其中統二年初為翰林修撰知制語兼國 時制誥特詳足以見一朝之制如船落至祭文太 事始於辛酉終於甲午凡三十四年之事所記當 為翰林待制時一 史館編修官及調官晉府秩滿至元十四年後 常新樂祭文之類皆他書所未見他如記唐張九 元王惲撰惲有承華事畧巳著錄是編成於至元 坊亦名曰勤有堂故有是辨歟 切掌故及詞館中考核討論諸

りに下王 二十日

金是正居全書級目 ★第二百二十二雜家類六 據柳公權跋知唐時已有廣韻辨米芾之稱南宫 表之偽謂金史天文志出於太史張中順與張德 朱聘后六禮金科舉之法以及論宣諭制誥之別 齡李林甫告身之式記平朱所得法書古畫名目 輝述塞北之程劉郁述西域之事皆足以資考證 以贈官太常記秦槍家廟之制摘類真卿書出師 子文姜之例論六帖則剿襲演繁露論舜事 五星則不知推步之法謂古婦人無諡則不知聲 而朱遼金三史之議尤侃侃中理其中如論日

たんけん かずかり 庶齋老學叢談三卷茶雄 卷實四卷也大抵皆隨時掇拾而成如載陸游 野逸事亦問及之分為三卷而第二卷別析一 明縣判官其書多辨論經史評隲詩文之語而 行之本也 該治不以瑕掩全書已收入秋澗集中此乃其别 兀盛如梓撰如梓衢州人 信錢時論野合則附會博物志皆為疵累唐六典 女伯女叔 Vid411mm(11.41平前 條二卷五卷再見亦失檢校然大 本 巡撫 八無齋其自號也嘗官崇 朝

金万正月至皇帝上一名一下二二部家類六 母邱 皆 將軍 見考據又各條之下 誣 此 文 姚平仲傳王士禎居易錄已摘其疎他若引左 **晋景公病如厕陷而卒** 事古人朴質不以爲怪豈可執此以證左傳之 為失當然 又於買似道有豪傑之譽載曹東昳姝俚之詞 勝其實不 儉 趙宗印一 以姑茂臺證章 如駁吹劍錄謂廣陵散不始於 知國策趙襄子史記慎夫人皆載有 一詩情不得姚名字而渭南集實 間 · 耶註 調國君 一出某人 國語之非此類亦 何必如 説益 如梓猶 順而 頗

大三耳重 /季起す 研 北雜志一 皆耿文 元統二 古器者爲多中 思同薦友於朝會二人去職友亦罷歸時也所錄 居吳下追憶所欲言者命其子錄藏恭虞集柯 所載段成式語自號研北生因以名其穕著前有 與元初故老游放所紀多前人 元陸友撰友有墨史已 一卷,水 、瑣事友頗精賞鑒亦工策緣故關於書 |年二月自序稱元統元年冬還自京師索 2011年1111千部 亦頗有考證如解李商隱之金蟾 )著錄友嘗取漢片 八緒論頗有可採云 一題襟集

成之 先有此文則偶然疎好也徐顯和傳載友撰研 言謂本張華贈何劭詩其言明且淸句不知禮 田 **齧鎖何辨徐鍇說文繋傳之獮字禰字互相矛** 墨史印史不軷此書此本 **販已稱字多訛脫繼儒刻入普祕笈中更失校讐** 援北史證馬定國以石鼓出宇文周之非引鄭康 如皇象天發神識碑事 梁四公子傳不知孟母先氏仉以王明淸字仲 一說證傳註稱錯簡之誤皆有可眾至謂 條上下卷其文複見則 出自陳繼儒家末有

金5世月在香港上 医第二下二二维家類六

町筆記 戡黎力 正中 無傳本惟此 隆字彦高錢塘人朱末書買陳思之從孫順帝 校 **顛倒銷亂可知矣錢曾讀書飯求記稱有柯** 元陳世隆撰是書前有小傳不知何八所作 本項藥師刊本今皆未見也 **遺八卷與此書存於陶氏家今宋詩補遺亦** 館嘉與陶氏沒於兵所著詩文皆不傳惟宋 卷兩准鹽政 辨委曲回護之 **卷僅存所論史事爲多如論** 說論會兩 114 主

大百日度在雪息目一个全日三十一一一

三

別居錄 金気卫星百電光上一名二二二雅家類六 定之本故皆隨筆草創先後不分次序字句亦 手 其宏旨也 是亦宋以來筆記之積習不獨此書爲然然不 見至所載僧靜如事則體穕小說未免爲例不 周以于謹為三老有違古制皆援据詳明具有特 胡寅譏劉晏之非論秦王廷美生於耿氏之誣 兀吾邱衍撰衍有學古編已著錄是書乃衍劄 稿陸友仁得於衍從父家錄而傳之猶未經 老斯家江 藏汪本路  $\Xi$ 記 純 論 編

「大三百五三百日」 AAコーニューテ部 及論與電字與爾雅相違論五伯字不考後漢書 同 碎 記於此後採入彼書而初稿 有識惟論堯典中星以為四時皆以戌刻為昏未 徐鉉篆書筆法 **禰衡傳以爲唐人行杖之** 未修飾其中如駁戴侗六書故妄造古篆 契誤以易字從日月辨杜甫非不該海棠語皆 玉往往可採如辨顏氏誤解匆匆辨魏伯 断論借書 條皆與學古編互相出入益 ) 數皆不免於疎漏其他 則未削除也然零璣 4 條 陽

雪履齋筆記 金是四月全書城臣 第二三十二 雜家類六 尚前三載他書或謂翼至洪武初嘗徵授學官 題其墓曰遷善先生又為撰墓志載興卒於至 歸耕婁上老得訓導官偃蹇而終蘇州知府盧 郭先生故事名其齋曰雪履嘗獻策張士 偶然涉筆終有典型故仍錄存之以備節取 穕談神怪亦多蕪穕以行學本淹通藝尤精妙雖 二十四年其文在朱珪名蹟錄中則距順帝北 郭翼撰翼字義仲崑山人自號東郭生因 卷編修程 本晉 一誠不 以東 刑

語怪力 然中有近 瀭 免好奇耳其書久無刊本曹溶嘗收入學海類 張九成說解論語犬馬有養取何晏集解說駁張 其實也是編乃江行舟中所紀隨手穕錄漫無 九齡金鑑錄之僞辨蔡氏三仁之論皆爲有見其 次然議論多有可采如解商書兼弱攻珠二句取 末何由得見殆明人有所竄亂非其舊本矣 謝師直語 亂神一 // (A.11-m.11.1) 二子符 一時袁了凡之語袁黃萬應時 條為力不同科 條論詩 條亦具有義理惟 條過信古註 銓

サミド重 二年日丁

電子 第二錄二卷 第五 第五 第五 第五 第五 第五 第五 第五 為 為鎦字即劉字此書作鄉葢偶從古體遂相沿別 紀夢幻詼諧之事頗穕小說家言其以杜常詩為 山陰其父海通毛詩元時嘗爲三茅書院山長績 明鎦續撰案說文有鎦字而無劉字徐鉉附註以 與元末諸遺老遊故穕述舊聞亦多有淵源 杜牧詩王士稹香祖筆記嘗科之亦不兒小誤 承其家學改此書辨核詩文疑義頗有根據又及 姓實非有二也績字孟熙先世洛陽人徒於 主 然毎

大百里里至香港丁 殆已散佚矣 胡謐後序稱續所著尚有嵩陽稿詩律个俱未見 多錄備明初說部 **揭**傒斯歐陽元等皆一代勝流未必遽有索米受 金之事是亦一 史者俱未之及然當時元政雖頹而秉筆諸臣如 如稱其遠祖馬牧君事金太祖有紀信之節元修 三史時史臣責賕於其祖不肯遂不得書此事論 老兩淮鹽 A.11millin于市 家之私言未可概信以其可取者 政 家耳此書成化間嘗刊行有 7

金 是 上月 全 書 ※ 上 上 一 一 雅家類六 徐州 載其贈蔡襄詩 鄙酷虐似非能著書之人其一 作惟蘆浦筆記載送田鄂詩 使包拯連具七章禪之具載拯奏議中 舊本題宋王逵撰案朱有三王逵其一 三年進士官刑部郎中其所著作惟吕希哲磼記 何許人仁宗垿官江南西路轉運使調准雨轉運 聯不聞更有此書其 王復之孫紹興中太僕丞王佾之子其所著 首阮閱詩話總龜載其詠酒帘 王建淄州 首亦不聞有此 王逵濮陽人天禧 人建炎中 極斥其會 王逵不知 夘

大百甲基合基思言 樂間人 **輙談今古不休人知其辨博毎以疑難質之無不** 朝夕因賣藥復不繼又市卜博究子史百家客至 論百刻 之於叔和脉訣是熙寧間書也前兩王達不得見 水貧士傳載王逵錢塘人足一 也後王達亦不得見又安得而引之耶考明黃姬 此書中論脉一 口應列其人於張介福之後王賓之前葢洪武永 个是書者必此王達商維濟刻稈海時未 /名三三二子前 條稱趙緣督又有一說是至元以後書 條稱七表八裏九道計二十四見 **败家極貧無以給** E

**重分以几个是形形 倭鬼神事義八門皆即數究理推求天地人物之** 當必有所受之云 花信風楊愼丹鉛錄引梁元帝之說別無出典殆 所以然雖頗穿鑿而亦時有精義世稱] 亦規摹觀物外篇分天文地理人身庶物歷數氣 及詳考誤以爲宋王達也其學盡出於邵子其書 由依托其說亦参差不合惟此書所列最有條 採進本 **奇撰子奇有太元本旨巳著錄考子奇**所 十四 番

CATE ATTAIN 篇正德丙子其裔孫溥以南京御史出知福州重 卷紀元季明初事長詳今惟太元本旨及此書存 草醫書節要各十卷齊東野語三卷又餘錄若干 克謹曰穕志曰談藪曰穕爼每二篇為一卷即此 刻之約為八篇曰管窺曰觀物曰原道曰鉤元 此書黃衷序云二十二篇鄭善夫序又云二十 著諸書有範,通元理| 併日草木子則似此四卷已合野語為 也善夫序又云舊本今纂爲四野語今纂爲二 /公二十二二子部 | 巻詩十六卷文| | 一十卷本 書然四

卷二卷當為六卷不當為八卷野語今無別本無 造至正交鈔求禹河放道功過各不相掩子奇乃 代故事亦頌詳核惟賈魯勸托克托開河北水 由質其異同莫之詳也子奇學有淵源故其書自 書前有子奇自序題戊午十一月乃洪武十 天文地紀入事物理一一分析頗多微義其論元 即子奇罷巴陵主缚逮繫之歲此書葢其獄中 **覚斥之為邪臣則不若朱濂元史之論為平允** 

**尺 巴田里 全国部门** 胡文穆雜著 矯為此言引其臨終與吕公著簡為證可調深 光非不知李是牛非特以意主和鳞不欲生爨故 書乃其隨手劄記已載入文穆集中此其別行之 本也其中如謂資治通鑑論維州悉怛謀事司馬 文穆事迹具则史本傳所著有晃卷扈從諸集是 至迎降永樂初復原名累官文淵阁大學士卒 其名與漢胡廣同更名靖除翰林院修撰靖難 眀 胡廣撰廣字·光大建文庚辰進士第 一閣藏本工艺懋柱家 惠帝

金与四月全世名上 2.7°□丁二维家類云 諸己與左傳穩姜南蒯之事合謂問名納吉納幣 為私意謂子産論黃熊為政信妄喜怪之漸謂申 時勢又謂灞陵尉禁人夜行乃其本職李廣爐之 是持論亦正他如謂易卦吉凶皆戒占者當反求 **屠嘉大節凛然班固稱其學術不及陳平其說** 頗有考據廣文集未足名家此書在明初說部之 定豫章李白詩不誤而胡若思指為陳嬰反誤亦 白非無與杜甫詩容齊隨筆所考未確謂灌嬰質 之卜皆卜其日非卜吉凶程于所疑未可憑謂

尺三丁宝 二音原丁 調言長語 詞故名曰讕言長語讕言者逸言也長語者剩語 **明曹安撰安字以寧號蓼莊松江人正統甲子舉 商而故為成仁政義之言以掩後世之耳目歟** 非聖人之說又似曲為靖難解者或自知大節有 作於建文壬午以前耶然論漢黃生朱蘇軾武王 抑揚太過與其貧王艮而迎咸祖截然相反豈書 八官安邱縣教諭是書前有安自序謂皆零碎之 中則猶為可取至論季布不死 老旗內 //willmilli子育 本府 條謂班固之言

**金克匹庫全書級■ 名一年二丁二雜家類六** 重 論實際 欲取鼻陶賡歌五子之歌洪範及詩之三言五言 葢兵德秀文章正宗金履祥濂洛風雅之派至於 明義理其論詩不中肯綮所錄諸詩亦大抵不工 也則長當讀為長物之長矣書中多據所見聞發 七言體刻爲 之事然大致持論醇正於人心風俗多有所稱其 題詞以輟耕錄水東日記比之正德乙亥史紀 刊跋又以霏雪錄比之今以四書相較劉續葉 條尤切中明代俗學之弊成化丙午顧 集使人習之以復古尤萬不能行

盛 逮 此書也 一家書士 、致相近陶宗儀書直小說家言遠不

<sup>蟬</sup>精雋十六卷 浙江 范懋柱家 齡作者又曰生杭人也豈嵊其祖籍歟傳稱其嘗 集籜為冠嘯歌自得若不與於人世者雖博學能 書中十二卷之末有籜冠生傳 明徐伯齡撰伯齡字延之自署曰古剡蓋嵊縣 一篇即張錫寫伯

大三月月五十四日 士考張錫天順壬午

文善書工

| 琴熟律而不肯以技自試則亦山林放

八官山西山

陰縣教

Ë

文五石 D 月 白 三 和 E 一 文二 E 一 一 雜家類大 壽縣教諭名姓偶同非一 事明末杭州别有一徐伯齡崇稹庚午舉入官永 諭則伯齡為天順中人故所記有成化癸巳癸卯 **瑣之談或近於小說而遺文舊事他書所不載者** 事詩其多錄全篇又略似劉壎隱居通藏其中猥 兼出已說凡二百六十一條大抵文評詩話居十 亦頗賴以傳其論周德清中原音韻一條尤為 之九論雜事者不及十之一其體倒略似孟棨本 確千頃堂書目作二十卷此本僅十六卷前後 人也是書雜採舊文亦

震澤長語 大百四萬在唐惠司 《名] 可白二子商 章音律音韻字學姓氏磼論仙釋夢兆十三類鏊 時隨筆錄記之書分經傳國歌官制食貨象緯文 明王鏊撰鏊有史餘已著錄此本乃其退休歸里 葢繕錄者圖省工力因而漏落个於有可考者補 文 詞醇正又生當明之盛時士大夫猶崇實學不 之無可考者則亦姑闕焉 又所錄詩文往往但存其標題而其文皆作空行 序販亦無目錄不能知其完缺其中多關字關句 一卷成成

金牙口月 台灣彩山 17111111 雜家類六 之受誣然考復辟錄載初朝廷旨意多出內閣 楊士奇私送司禮監事焦竑筆乘嘗據以證士奇 持論頗有根據惟其辨累朝經綸簿具存內閣無 進稿留閣中號縣綸簿其後官寺專恣奏收簿祕 內徐有貞旣得權寵乃告上如故事還簿閣中云 土奇不送之證其考訂間有未審又欲於河北試 隆慶萬思以後聚徒植黨務以心性相標榜 澗夢兆 條篤信占驗亦非儒 出未可

次足四重全臺龍目 (6)百丁二子部 井觀瑣言三卷浙江鮑士 **曹本題宋閩南鄭瑷撰鍾人傑唐宋叢書亦作宋** 續卷郢事紀略總題曰震澤先生別集此本葢别 孫永熙梓鏊所著長語紀聞及永熙父遵考紀聞 之言未免為白璧之瑕耳前有賀燦然序稱鍪元 字仲璧成化辛丑進士官至南京禮部郎中 集中之一 ,而書中稱明為國朝所評論者多明初人物決 、所為考宏治八閩通志載有莆田人 一種然舊本別行今亦各著於錄焉 鄭瑗

金人口匠工事以下 地之自 當即明莆田鄭瑗所作題朱人 义資服 攺經之 皆考辨故實品隱古今頗能有所發明如論 尊明詩綜亦載有其人所著有明省齋集則此書 1相紙悟及摘胡三省通鑑注所未備皆中 集解律令之誤駁史伯務管窺外編言天 了非斥綱目發明書法考異之曲說辨李 (者妄也其書大 Ξ 抵

禁特假史事為各所論亦有根據在明人說部中

謂其文多浮詞於性命之

**窽要又引宋曹柳元景傳證魏崔浩因有異圖被** 

南園漫錄十卷湖北巡撫 書者十之九所論如江神一條譏洪邁舍入事 述所見聞各為考證大抵似洪書者十之一 鶴林玉露二書仿而為之卷首數條皆掎摭容齋 明張志淳撰志淳有永昌二芳記巳蓍錄是書前 尤偏駁不足為據云 學不甚理會未免失之過刻其論諸史紀年之例 有正德十年自序稱因讀洪邁容齋隨筆羅大 一語辨其是非益其書之所緣起也其餘則

大三日直至雪魯山 美二十二二子部

直

金五万万月<u>今</u>章南上 1€1丁二雜家類六 金齒 訓詁之 珠吟時已先居幕下駁正皆頗明析其辨示昌非 張籍詩意 飲唐諱乃相沿舊刻桂辨 及宦官立意皆極正大其避諱一 地諸條考證致誤之由亦極詳核他如春草 )類或失之 陋元順帝一 條王維詩語自本楚詞而味其所出横 條謂瞿宗吉歸田詩話不知其作還 **给順帝為 瀛國公子之類或失** 條護其大學行義補不敢論 條謂桂花桂樹兩種 條誤據庚申外 條謂蜀本書多

大田田里公司和田 國公司五日二子部 雨航雑錄二 **軌於正時可獨持論篤實言多中理如云漢人之** 士大夫好為高論故語錄說部往往滉漾自念 論學論文下卷多記物產而間涉穕事隆萬之間 明馮時可撰時可有左氏釋已著錄是書上卷多 事其所紀錄亦可與明史相參考云 夷錄之失實而以書中所載自此於孫盛書枋 無稽益瑕瑜不掩之書也中頗紀載時事臧否 故卷末又有嘉靖五年題後 老孫進本 一篇辨何喬新

金与口眉名曹操 图第二三丁二种系数公 归朱儒之於文也嗜易而樂淺於論人也喜核而 窮理而其徒泥章句非教者之過學者之失也又 莫能違又曰子靜之求心而其徒棄經典紫陽之 語論世貞為人作傳誌極力稱譽如膠庠試最 論王世貞悲歌碣石虹高下擊筑咸陽日動揺句 務深於奏事也貴直而少諷皆平心靜氣之談其 宋人之於學規矩之畫地也不能盡地而經野者 於經臺史之測天也不能盡天一觀象者不能廢 以為近於造作而遠自然正其一病又引徐叔

採芹銀四卷江蘇巡撫 大臣回世公善惠三 養民教民第二卷三卷多論學校頁舉政事利弊 明徐三重撰三重有餘言巳著錄是編第一 習尚耳 立而西京諸儒之訓亡未免失之過高偶涉當時 未人亦無此陋識亦皆有見惟其論十三經注疏 悉物情而持論率皆平尤無激烈偏僻之見亦 第四卷多論明代人物臧否大抵皆考稽典故究 一細微事而津津數語此非特漢以前無是即唐 採進本 张门川川川 子布 Ë 一卷論

金石区屋台灣常長 恩怨毀譽之私勝明人所作諸說部動涉巵言亦 えーアニコニ 雑家類六

勝三重所作他語錄借周子之一

言遂太極陰陽

議反獲引據持之最堅究而論之自阡 連篇累牘講學於天地之外惟力主均田限田之 後田業於民不授於官二十年於茲矣雖有聖帝 陌既開以

明

一斷不能

旦舉天下之民奪其所有益其所

限之使縣豪反得隱骸為姦猾胥反得挾持漁

外此在限內此可聽其買賣此不可聽其買賣

無而均之亦斷不能舉天下之田清釐其此在

大芝巴耳台裡想目 婚海運之非論養兵則駁徐階塞外不可屯田之 重所言其迂而寡當可見矣然如論漕粟則駁邱 創之初以天子之尊決意行之亦終無成效則三 謬肯卓然明論其他亦多篤實近理切於事情 皆反覆言之而卒不能行此猶可曰權不屬時不 李安世唐陸贄牛僧孺朱留正謝方叔元陳天 可謂留心經世之學者也 可也朱太宗承五季凋殘之後朱高宗當南渡草 間里思懦紛紛然日受其擾故漢董仲舒北 /美二百二二子衛 き

**畫禪室廢筆四卷**兩府 会大りに人口をおより、一二十二雑家類大 許詩許文四子部中如記楊成以蔡經為蔡京之 畢生之力為之所解悟深也第三卷分記遊記事 卷論書第一 類頗涉輕薄以陸龜蒙白蓮詩為皮日休之類亦 明董其昌撰其昌有學科考畧巳著錄是編第 文與陶望齡齊名當時傳誦並不能忘其結習也 未免小誤其許文一門多談制藝益其目應舉之 一卷論畫中多微理由其昌於斯事積

次是四車全基認可 人卷一三十二子部 八研齋筆記四卷二記四卷三記四卷禮部尚書 所作 而毎 化故出筆軟肖之也其他所記雜事亦楚楚有致 **雋其體皆類題跋葢錦贉玉軸流覽旣久意與之** 明李日華撰日華有梅墟先生别錄巳著錄日華 所見往往如是不足深詰視為蜩螗之過耳 工於書畫故是編所記論書畫者十之八詞旨清 品閒文然多可採 日禪悅大旨乃以李贄為宗明季士 **填跡必備錄其題詠跋語年月姓名尤** 日楚中隨筆其冊封楚王

白気に見る別の光 詩語今見東坡集中而以爲吳中諸公遣力往 用亦屬疎漏大抵工於賞鑑而疎於考證人各有 **雲取泉先以竹作籌子付山僧爲質其事未經** 以蘇若蘭與渤海高氏並列於能書婦人中不 以韋應物西澗詩為杜牧作以林逋爲與文同李 為白居易陸游作以唐莊宗如夢令詞為李白 以資考證王士禎居易錄嘗譏其以韓愈山石 何據又文徵明詩竹符調水沙泉活句乃用蘇 公麟同時以趙秉文為元人皆誠為舛謬其他如 プランニニニ 雑家類六 次記四軍全事總目 《卷二百三十二子部 物理小識十二卷江蘇巡撫 集也 論中分天類思類風雷雨場類地類占候類 通中德中發中履所編又通雅之緒餘也首為總 能有不能取其所長可矣是書分三集集各四卷 類鬼神方術類異事 明方以智撰以智有通雅片 明史藝文志作十二卷葢總而言之其實即此三 石類器用類草木類鳥獸類凡十五門大 ,類醫藥類飲食類衣服類企 |著錄此書為其子中 芜

湷 金气气中门二十五十 明夢餘錄七十 國朝孫 矣 曾 錄不免冗穕未必一 物志物類相感志諸書而衍之但張華贊寧 皮兼收並蓄待用無遺則識小之言亦未 但言尅制生化之性而 日中流失船 而細大兼 シニーニニ 雑家舞六 收固亦可資博識 壺千金韓愈曰牛溲馬勃敗鼓 刊内 本府 此則推 盡確所論亦不免時 而 闡其所以 利 ミラ 民 月 陽冠 然 雖

歌三月青全書鄉三 《卷二百二十二子部 不畫 代旣泛及前代則當元元本本縣牽繩貫使端委 多錄明代草疏連篇累牘又似乎故事體例頗爲 桑然不當挂 **龎穕且書中標目悉以明制為主則不當泛及前** 地志而叙沿革者甚畧分列官署似乎職制每門 以官署終以名蹟寺廟石刻巖麓川渠陵園似乎 京師建置形勝城池畿甸次以城防官殿壇廟次 儀禮經傳通解一 即如禮部第一子目標日禮制而首以朱 漏萬每門寥寥數語或有或無絕 條次以吳澄三禮考註 芦

又次以朱子家禮一條此儒者之著述非朝廷之

典章不當繋於禮部又周與朱之舊文非明代之

以足一 自 新制尤不當繫於明之禮部是何義也太醫院門 叙官 卷此無論不能循載即循載之何預明太 一條外皆襍錄古人醫書序交及諸 脈論

醫院然則翰林院門將備錄歷代制詩詩賦耶

法差奸衆論交爭至崇積中西法中法諠呶彌 沿革之大者乃欽天監門於鄭世子載項諸

澤沿門戸餘波持論皆存偏黨如萬應以後歷

次它四重全醫總司 《卷二三十二子部 慎刑條下益乖是非之公矣其好惡任情往往 為美談復於刑部門中以閣臣公救延儒揭列之 死 非 在 承澤 乃 於 內 問 門 中 錄 其 直 房 記 一 **術為詞宗旨了然可觀也又周延儒招權納賄賜** 其時論者多攻大統歷而大統歷曾經許衡參修 承澤以講學家宗派所繋故為之左袒其反覆以 又謂新法將來亦必差殊有意抑揚不爲平允益 亦僅存其畧且謂舊法不過時刻之差不害於事 今見於明史者悉刪不錄於徐光啟等改法之事 篇以

至

五、大丁月と清水十一八乙丁二二 雑家類六

居易錄三十 **興拜官野史據傳聞而著書者究爲不同故考** 是葢不足盡據為典要然於明代舊 國之軼事者多取資於是編焉 朝掌故實多賴是書以存且多取自實錄 四卷 採進 山東巡撫 本

國朝王 熙己已官左 貴居大不易之意末叉以居易俟命為說其義兩 以前十三年中所記前有自序稱 積撰士積有古權錄し著錄是書乃其康 副 都御史以後王辛已官刑部尚 **取**顧况長安米

Ξ

聞採撫

旗

悉

胍

報

秋を四<u>車全事總司</u> 【後二三二十二子部 **脊悉其絕辨證之處可取者尤多惟三卷以後忽** 子孫魏公遺事亦由僚屬自爲之而自書之自書 注體編年紀月泰錯於雜說之中其法雖本於麗 記時事九卷以後兼及差遣遷除全以日歷起居 長其記所見諾古書考據源流論斷得失亦最為 岐莫知何取也中多論詩之語標學名儁自其所 之而自譽之即言言實錄却亦淺矣是則所見之 **元英文昌濮錄究為有乖義倒又喜自錄其平反** 之獄辭伉直之廷議以表所長夫鄴侯家傳乃自 Ē

池北偶談]一十六卷山東巡撫 白ターノノニー 國朝名臣碩德畸人列女其中如論王縉張商英張 國朝王士趙撰凡談故四卷皆述朝廷殊典及衣冠 論詩文領異標新實所獨擅全書精粹盡在於斯 狹也 級之類間有微斥其惡者葢附錄也談藝九卷皆 談獻六卷皆明紀中葉以後及 勝事其中如戊己校尉裙帶官之類亦間及古制 談異七卷皆記神怪則文人好竒之習謂之戲錄 ハンニーニニ雑家類六 採進本 Ē

香祖筆記十二 國朝王士禎撰皆康熙癸未甲申二年所記至乙 因以名書也是書體例與居易錄同亦多可采惟 以蘭為香祖士禎葢取其祖之語以名滋蘭之室 康熙辛未作也 石帆亭常與賓客聚談其中放以名書前有自序 取白居易語以池北書庫名之自為之記庫旁有 而排纂成書其曰香祉者王象晉羣芳譜曰江南 可矣池北者士禎宅西有圃圃中 一卷山東巡撫 有池建屋藏書 酉

灰巨可重合等即目 ▼次二三二二子部

豆

流二句為郭璞詩乎此由晚年 遊攝山記何嘗不以左思振衣干仭岡濯足萬里 過病樹前頭萬水春二句為白居易詩漁洋文畧 道 任惇表語 論尹吉甫 **舛足矣而一則以為無目人語一** 所諱今亦仍其舊文記憶偶誤事所恒有指其頭原本不著其名益有記憶偶誤事所恒有指其頭 元詩爲盧照鄰某詩話以柳惲詩爲趙孟頫壽某 黑白肆口毒詈皆乖著書之體士預池北偶談 條最爲紕繆又如姚旅露書以章 條何嘗不以劉禹錫覆舟側畔干 - 解組侘傺未平筆 則以為跳目

うとしまべきはい 聞 黄 第 法書要錄載武平 **喻其羲余因思昔人** 大痰曹雲溪沈石田文 二王之迹强學寶 十二卷一 人謂是煙雲供養則特健藥之名不亦宜乎案 間遂失其冲夷之 條日輟耕録言或題 重 徐氏法書記曰駙馬武延 如寮 一乃呼薛 故度斯亦盛德之 衡山輩皆工 少游觀輞 於突厥 者 矡 /鄭愔及 一畫肯享 一特健藥 圖 界余 而愈疾

母先四屆全書和上 一名一百二十二 雜家類二 分甘餘話四卷 居之時日分甘者取王羲之 此非僻事殆髦而忘乎然其品題文藝宏獎風流 語也。其解甚明士祖力以字義穿鑿殊為失考亦实脈其解甚明士祖力以字義穿鑿殊為失考 抵隨筆記錄瑣事為多盡年逾七十倩以消閒道 至於老而不衰固足尚也 王士禎撰此書成於康熙已 無復考證之功故不能如池北偶談居易錄之 採進本 撫 )央湖萬書 能刑部尚書家 큔 中語也大

次已可量合等图引 人名二三十二子部 多有未可盡憑者然如繁臺之當讀蒲禾切梅福 字部有此字注曰布也一曰粗紬從系付聲葢紨 據不同撫拾披沙揀金尚往往見實也其中滄浪 為吳門市卒之非蘇州宣室之有二此類皆有典 不暇繙檢之明驗矣其他傳聞之語偶然登載亦 不加辨正而轉以設疑殊為疎舛是亦隨時摘錄 字音同故得典敷字通用馬永卿誤引漢書士禎 即羅敷不言二字何以通用俟考云云今案漢書 昌邑王傳實作羅紨顏師古注曰紨音敷說文系 Ē

古夫于亭裸錄六卷兩江鄉 金次卫星台灣茶里, 一多二三二雜家類六 國朝王士預撰士禎以康熙甲申罷刑部尚書里居 詩話 不 遺餘力則以士禎論詩宗嚴羽而趙執信論詩宗 班核其年月在談龍錄初出之時攻班所以 酉續成香祖筆記之後復釆綴聞見以成此書 相顯斥則所養勝執信多矣 信也然執信訟言祗士禎而士禎僅旁借其詞 條獨舉馮班鈍吟襍錄之說反覆抵排 倒無次第故曰穕以所居魚子山 督 攻

於考核然如謂岳珂程史之名出於李德裕辨劉 表碑非蔡邕作辨帖黃个古不同辨劇談錄元 會經義以張爲為南唐人以俞文豹爲元人亦失 文謂韓非希見生象之語不足為信據易匪其彭 為秦王廷美後身則輕信小說據詩元龜象齒之 古夫于亭因以爲名其中如據西京雜記鉤弋 子證詩有美 之文謂論語竊比老彭彭當音旁訓爲側據子 人事以駁正史則誤採偽書據貴耳集以王安石 人據示見編解詩黽勉從事則附

417

金分口月三書彩[||冷|正二十一雜家類六 淵閣著錄 右襍家類雜說之屬八十六部六百三十三卷皆文 自護者矣 其詩派流弊而防之者可謂至公之論異乎沾沾 **精核品題諸詩亦皆愜當而記蓮文驥論擬李白** 孟浩然詩記汪爽論新異字句不諱所短若預 王之海辨唐彥謙誤諒齊文惠太子宫人皆引據 首絕句辨西溪叢語誤引田子春辨才關集誤題 見李賀之妄辨丹鉛錄載蘇軾詞之謬辨洪邁萬

たってするとき歌りませんとこうここ 子部 第之先後與之所至即可成編故自朱以來 焉大抵隨意錄載不限卷帙之多寡不分次 俗說或述近聞或綜古義後人沿波筆記作 作者至聚合總東之為 来穕說之 源出於論衡其說或打已意或訂 類 Ě

		ويطبعوني	سيند	-	
					多文□  広会
					光二正二二 雜家類六
					HIT
				1	

洞天清錄一卷兩准鹽或 大戶可且全替到了 **欽定四庫全書總旨卷一百二十三** 子市三十三 州者也是書所論皆鑒別古器之事凡古琴辨三 書中有嘉熙庚子自嶺右回至宜春語則家於袁 於燕王德昭房下葢太祖之後始末則不可詳考 朱趙希鵠撰希鵠本宗室子朱史世系表列其名 十二條古硯辨十二條古鐘鼎彛器辨日 雜家類七 /年二十二十二十市

金气区匠公司和北 花印色辨十五條古畫辨二十九條大抵洞悉 條古翰墨真迹辨四條古今石刻辨五條古今紙 流辨析精審如謂刁斗乃行軍炊具今世所見古 書目曹溶續藝圃搜奇所 之指南也明寧獻王權嘗為刊板於江西見寧藩 見銅犀牛天滁蟾蜍之屬皆古人以貯油熟燈今 刁斗乃王莽威斗之類為厭勝家所用又謂今所 石辨十 誤以爲水滴其援引考證類皆確鑿固賞鑒家 |スニアニ丁三雑家類七 條硯屏辨五條筆格辨三條水滴辨二 載與此本同益皆從寧 源

**頁暄野銀二卷**兩江 本與此本迥異考其中有楊慎之說寧庶人宸濠 論則其人名標無可疑但不知何據而題為陳姓 未見此本而刺取他書以贋其名固不待辨矣 名也今考書中秦璽一條稱槱嘗聞諸老先生議 東跋乃云不知何人所述是當時所見之本未署 舊本題曰陳槱撰不著時代卷末有至正七年王 之名及永樂宣德成化年號希鵠何自知之其爲 一舊刻傳錄明錢塘鍾人傑輯唐朱叢書別載 本總 督

大三四重三季图三二

/¥11m1上三子市

金岁卫星 自是然上 人名二巴丁二维家斯七 案閩書陳槱陳幾之孫長樂人紹熙元年進士書 其時斜川集尚存必無舛誤而槱稱昨見邵道豫 考證至所載鼠鬚筆詩一首朱文鑑題為蘇過作 **論學書之法及紙墨筆研諸事皆源委分明足資** 即此陳槱也其書上卷論石刻及諸家書格下 聞之梁溪尤袤惜不再叩之袤亦當光寧之時疑 寧宗嘉定已卯首尾三十年又西漢碑條內亦稱 中秦璽條內稱近嘉定已卯光宗紹熙元年下距

膩

**風鬚筆殊有風度今載於此云云則失考之甚** 

大江可重公司是1 雲烟過眼錄四卷續錄 本作 作雲烟殆誤倒其文然錢曾讀書敏求記載元至 畫古器畧品甲し而不甚考證其命名葢取蘇軾 之語第考軾寳繪堂記實作烟雲之過眼舊本刊 朱周密撰密有武林舊事已著錄是書記所見書 矣 間夏頤鈔本已作雲烟則能異已久矣曾記夏 、益入元以後所作中有湯允謨葉森文璧 卷而此本四卷或後人所分歟觀所記收 //dc.11==11111子都 老浙江巡撫

記吳彩鸞書切韻以一先二仙爲十三仙二十四 溢个本訛為漣漪初溢然郟湛字不可解恐亦有 先稱不可曉案困學記聞載魏了翁之言已稱唐 **訛又記蘭亭序有隋煬帝內府石刻不知何據又** 校正之語為正文矣中記蘇軾手書詞稱郟湛初 雅堂雜抄亦名所著不應自云當參攷知亦誤連 只有二件疑有脫誤當參欢志雅堂雜抄云云志 王子慶所藏朱太祖御批三件條末云今第三卷 之語葢縣勘是書各為題識傳寫者誤合為 如

大三甲王 全国第一 一名二二三子的 格古要論三卷衍聖公孔昭 碑法帖曰古琴曰古覣曰珍奇曰金鐵曰古窑器 曰古漆器曰錦綺曰異木曰異石毎門又各分子 年凡分十三門曰古銅器曰古畫曰古墨跡曰古 明曹昭撰昭字明仲松江人其書成於洪武二十 **書則亦以其賞鑒為準矣** 昌戲鴻堂帖定絹本黃庭經爲楊許舊跡葢本此 <del>也</del>續錄 卷題逢澤湯允謨撰凡三十九條董其 先則唐韻或有此別本亦未可 1 知

韻下平不作一

金元四月全世級 □ (老一百一十三 雜家類七 器具真贋優劣之解皆能剖析纖微又諳悉典故 目多者三四十條少者亦五六條其於古今名玩 切源流本末無不釐然故其書頗爲賞鑒家所 匹

化帖後當收譜系一卷珍賢欠祖母綠聖鐵異石 重郎瑛七修類稿嘗議其琴論後當人古笙管淳

翡翠豹兇之類而文房門亦不可不論云云其言 紙欠藏經紙且珍奇後當設一 雖似有理然其書不過自抒聞見以爲後來攻古 欠大理仙姑異木欠伽楠香古銅欠布刀等錢古 羽皮如狐貉孔雀

大大町里 公言的 竹嶼山房雜部三十二卷浙江巡撫 是誠不免於疎駁耳 是書凡養生部六卷燕閒部二卷樹畜部四卷皆 黑漆古色者叉將埋於何地而深譏其說為未確 硯山齋珍玩集覽以為信如所言則水銀色褐色 年色純青如翠八水千年色綠如瓜皮一 **明華亭宋詡撰種植部十卷尊生部**-之資固與類書隸事體例有殊要未可以一 之偶未賅備遽訾其脫漏也惟所論銅器入土千 》为11上11上11子前 Ĺ 卷詡子 條孫炯 事

不是了D月子看彩上 | | 九十三十三雜家類七 **望撰公垒之子懋澄合而編之詡字久夫公垒字** 

六卷家要二卷宗儀二卷家規四卷後集種植 目載是書凡二十七卷前集樹畜部四卷養生部 天民皆見於書中其始末則未詳焉考千頃堂書

言兼玩好之具與家要家規宗儀同為 卷尊生一卷此本葢不完之書然此書以農圃之 不倫疑其後析而別行而此五部以類相聚自為 帙 實 屬

編則亦不可謂非全帙也至種植養生二部實

各十卷與黃氏所云各一

卷者不合且以黄氏所

遵生八牋十九卷通行 大百可宜公野記丁一人祭二十二二子部 語也 所解甚確則猶讀書考古者所為非僅山人墨客 似誤此書取張萱彙雅之說舍鄭從郭以鯦爲鮹 縮項編郭璞注謂離似編而小則非編可知鄭注 條引爾雅鯦當魱以證之鄭樵注謂鯦即魱魱即 載卷數計之與二十七卷之數又自不相合則黃 居雜事最為詳悉而亦間附考證如養生部鮹魚 氏所云亦不足據以定此書之完缺矣其書於田

在男又眉〇章彩上|▶|第二十二二雜家類七 卷十  **款卷七卷八曰起居安樂牋皆實物器用可資**願 卷二曰淸修妙論牋皆養身格言其宗旨多出於 賞鑒清玩之事附以種花卉法卷十七十八日靈 養者卷九卷十曰延年却病賤皆服氣導引諸術 明高濂撰濂字深父錢塘人其書分為八目卷 以服餌諸物卷十四至十六曰燕閒清賞牋皆論 秘丹藥牋皆經驗方藥卷十九日塵外遐舉牋則 一氏卷三至卷六曰四時調攝牋皆按時修養之 至卷十三日飲饌服食牋皆食品各目附

清秘藏二卷浙江鮑士 ンですることではしていることことと 消遣之用標目編類亦多涉藏仄不出明季小品 詳論古器

東第

方亦時

有可採以

現物

義清

方 **訛誤亦復不少特抄撮旣富亦時有助於檢核其** 家而以為元人范式官廬江太守而以為隱逸其 積習遂為陳繼儒李漁等濫觴又如張即之宋書 强作雅態者固較勝焉 **厯代隱逸一百人事蹟也書中所載專以供閒適** 明張應文撰而其子謙德潤色之應文字茂實崑 1

**對是四庫全書馬級里,沒有一百二十三雜家類七** 之談亦不為典據然於一 多引佛經所列育資多引小說頗參以子虛烏有 不著所出葢猶沿明人剽剟之習其中所列香名 如銅劍一條本江淹銅劍讚之類不一而足而皆 門其體倒畧如洞天清錄其文則多採前人舊論 謂取倪瓚清秘閣意也上卷分二十門下卷分 編雜論玩好賞鑒諸物其曰清秘藏者王穉登序 即作清河書畫舫眞蹟日錄之張丑後改名也是 山監生屢試不第乃一意以古器書畫自娛謙德 切器玩皆辨别真偽

大三四百 全雪包丁 跡 家知不足齋所刊原附丑真跡日錄後盡山谷 所列始亦夸飾其富不足盡信歟此本為鮑士 成於應文臨没之日不得以續購爲詞然則丑表 河書畫表列於應文名下者乃有三十一 **蓄名畫惟唐周昉戲嬰圖朱人羅漢八幅畫苑雜** 高宗行書一卷蘇子蟾詩草元趙子昂歸田賦所 第甲乙以及收藏裝褙之類一 有可采卷末記所蓄所見一條稱所蓄法書惟宋 冊元倪雲林小景一 /发生工工三字階 幅而已而其子丑作清 言之甚詳亦頗 種此書

長物志十二卷浙江鮑士 母员口月子喜彩上 一老二下二二雜家類七 遠以趙希鵠洞天清錄為淵源近以屠隆考槃餘 **積中官武英殿中書舍人以善琴供奉明亡殉節** 焉 說中王恭語也凡閒適玩好之事纖悉畢具大致 置衣飾舟車蔬果香茗十二類其曰長物葢取 明文震亨撰震亨字啟美長洲人徵明之曾孫崇 末載伐檀集之例今以各自為書仍析出別著錄 死是編分室廬花木水石禽魚書畫几榻器具位

ラミマミ Mandall Manial ここぞ時 **爾石齋筆談二卷**辦江飽士 國朝姜紹書撰紹書有無聲詩史已 錄存之備雜家之 炳然其所手編當以人重尤不可使之泯没放特 者亦奕奕有 鑒諸法亦具有條理所謂王謝家兒雖復不端 以書畫擅名耳濡目染與眾本殊故所言收藏管 者是也然矯言雅尚反增俗態者有焉惟震亨世 事為參佐明季山人墨客多以是相誇所謂清供 種風氣歟且震亨捐生殉國節 種焉 著錄是書仿周 I

多左匹庫全電器里 老一百二十二雜家類七 墓之建碑自是漢以下事越國數千里乞人表墓 吳之說引後世書墓誌者不必皆至墓門為證 說殊為迂謬延陵十字碑 圓 記其名此書併詳其形模及諸家授受得失之 書以收藏之人標題此書即以其物標題客書 密雲烟過眼錄記所見古器書畫及諸奇玩惟 自是唐宋以下事以例三代殆恐不然至其辨黃 末其體例小異耳其天成太極圖一 理偶 爾黑白相間遂執以駁朱子太極無形之 條力辨孔子未嘗 條不過石中

之可觀者其上卷秘閣藏書示樂大典名賢著述 玉帶四條雜說他事於全書為不類葢隨筆記錄 朝鮮人好書四條下卷晚季音樂白兔沙鷄文臣 跡皆鑿然有理其他亦多可資考證猶近代說部 以爲王維辨朱藏經多仿蘇黃字體非必二人真 辨句容崇明寺藏經有朱元祐五年張賱潘澤題 秦物辨河莊淳化帖為朱人所重刊非王著原夢 名無斗神幻書之事辨朱徽宗山居圖董其昌誤 氏文王鼎附會博古圖辨天啟甲子所得玉璽非

大公司是公主部司

2年11年11日三子階

七頌堂識小錄一 金分口月白書名上一一名一下二二非家類七 國朝劉體仁撰體仁字公勇諸書或作公敮酘即古 勇字也河南棣川衛人順治乙未進士官至吏部 張實水尺牘稱近日仿烟雲過眼錄為識小 為口實然其賞鑑 **耶中王士禎居易錄記體仁喜作畫而不工恒蓄** 偶失刊削以原本所有仍並存之焉 冊即是書也所記書畫古器凡七十四條多稱 人代筆有宣州兔毛褐真不如假之戲至今以 卷浙江巡撫 則特精所撰七頌堂集中有與 錄

クニー三二二十二 出 章本也有米元暉 政與宋仲温跋若出一手為蛇 **跋固疑其贋然與朱仲温跋用筆迥異足下謂如** 皆可以資考證王 博古相高毎條必 預為同榜進士以 詩文相倡和而與承澤等又以 足耳汪苕文大不然之予嘗馳簡公勇云米元暉 錄中有云王山史亦有五字未損蘭亭本宋搨豫 承澤梁淸標諸舊家物葢體仁當時與汪琬王 手何也今遂望足下刪攺此稿不然失言矣 第二十二三子階 **坛撰山志曰近劉公勇撰識小** 叶其所藏之人與其授受所自

愛是四庫全書報上 ★二正二二雜家類七 其詞耶末二條一為陸竺僧遇魔事一為韋際飛 作顛張醉素何可謂其必無殆以卿曲之私回護 中山松醪賦殘碑筆與此同軾一書每為一 未足為定論也惟蘇軾所書醉翁亭記出中州 云云其跋今未之見然恐亦好事之家自矜所有 八白麟之手高拱誤為真蹟勒之於石體仁亦稱 疑其價或指為鍾生所摹而謂定州有軾草書 一體忽

池河驛見雌雄猿事皆與賞鑒無關疑偶記冊末

據以

入梓未及刊除也

人三四重 公吉田町 研山齋穕記四卷編修屬守 以資考證葢承澤雖人不足道而於書畫古器 好事賞鑑兩擅其長其所收藏至今為世所重 說墨譜而附以眼鏡次為銅器考窑器考皆頗足 論六書而附以璽印及刊板告身表文之屬次研 孫炯有研山齋珍玩集覽此書或亦炯所撰歟首 等書皆在承澤以後則必不出承澤手考承澤之 承澤作然所引查慎行敬業堂詩王士積居易錄 不著撰人名氏考研山為孫承澤齋名或疑即為 **%4.1.11.1.11.11.11.1**于街 炯 則

金是四萬書歌 錄 右雜家類雜品之屬十 詳究始末細別纖微固亦不足異矣 承其遺緒耳濡目染具有淵源其所論者一 案古人質朴不涉雜事其著爲書者至射法 朱以後則一 劍道手搏蹴踘止矣至隋志而欹器圓猶 編圖籍於是姑衆焉今於其專明 小說象經基勢猶附兵家不能自爲門目也 切賞心娛目之具無不勒有成 一部八十三卷皆文淵閣著 事 能 附

意林五卷江藤巡撫 Caleria AMIRIL BATTERIA (1) 僕射諡曰懿陳振孫書錄解題稱總仕至大理評 唐馬總編唐書總本傳但稱其系出扶風不言爲 事則考之未審矣初梁庾仲容取周秦以來諸家 莫能詳也傳稱其厯任方鎮終於戸部尚書贈右 何地人其字唐書作會元而此本則題曰元會均 以下並類聚於此門葢旣爲古所未有之書 者皆別為譜錄其雜陳衆品者自洞天清錄 不得不立古所未有之例矣

**金足匹庫全書級■ ※第二三十二雜家類七** 意林一 略稱仲容子鈔每家或取數句或一二百言馬總 總以其繁略失中復增損以成此書朱高似孫子 雜記凡一百七家摘其要語為三十卷名曰子鈔 亦多與个本不同不特孟子之文如容齋隨筆所 惟賴此僅存其概其傳於今者如老莊管列諸家 更為取之嚴錄之精今觀所来諸子今多不傳者 云也前有戴叔倫柳伯存二序與文獻通考所載 遵庾目多者十餘句少者一二言比子鈔

相同唐志著錄作

**卷叔倫序云三軸伯存序**

ラミア語の意思し **御題詩有太元以下竟佚之之句此本為江蘇巡撫所** 論蘇子張顯析言于子顧子諸葛子陳子要言符 家此本止七十一 續進乃明嘉靖已丑廖自顯所刻較鮑氏本少戴 **蔗子鍾子張儼黙記裴氏新書袁淮正書袁子正** 柳二序而首尾特完整然考子鈔原目凡一百七 多所佚脱是以 云六卷今世所行有二本 諸書此本不載又通及稱今本相鶴經自意 /※ニーニニ子前 家洪氏載總所引書尚有蔣子 為范氏天一 ij 一閣寫

甜珠集十三卷成片 母気は「建会養系」 其所言體例卷數皆與今本相合則此書當為勝 說張燕公有壯珠見之則能記事不忘故以為名 珠集十三卷稱為朱勝非編百家小記而成以舊 總之原本矣然殘璋斷壁益可實貴也 意林此本亦並無之合計卷帙當巳失其半併非 不著編輯者名氏案晁公武郡齋讀書志載有組 鈔出而永樂大典有風俗通姓氏篇題曰出馬總 所撰然書首有紹興丁巳灌陽令王宗哲序

大三里直在着恩二 一条二三十二子商 **慥類說相近惟類說引書至二百六十** 摘錄數語分條件繫以供獺祭之用體例頗與曾 疑或公武所紀有誤未可知也其書皆抄攝說部 哲作序時勝非方以故相里居使此書果出其手 七年而朱史列傳勝非以紹興二年入相旣罷後 命之校勘將鏤板以廣其傳云云考丁已爲紹與 **湘珠之集不知起自何代建陽詹寺丞出鎮臨門** 何至刊校之人俱不能詳知姓氏於情理殊為可 以五年起知湖州後引疾歸廢居八年而卒是宗 種而此

YSAATIMATIMATICALLY NELITIE 森冬東十 見側出其足資考證者亦多固未可概以裝積譏 此書引作私纖釋抄策少也證之下文策字本次 在杪字下則此書所引為長盡雖徵据叢雜而旁 注云奕奕傑傑又今本私策藏茂稱抄小也一條 容也一條今本注曰奕傑皆輕麗之貌而此書則 本亦有足與世所行本互相參討者如方言奕傑 去取頗有同異未可偏廢且其所見之書多為古 書所引祗一百三十七種視慥書僅得其半然其

類說六十卷 子卷以便檢閱書初出時麻沙書坊嘗有刊本後 郡齋今亦不可復見世所傳本則又明人所重刻 其板亡佚寶慶丙戌葉時為建安守為重鋟置於 後為後集其或摘錄稍繁卷帙太鉅者則又分析 編纂成書其二十五卷以前為前集二十六卷以 成於紹興六年取自漢以來百家小說採掇事 **閉奉祠家居撰述甚富此乃其僑寓銀峯時所作** 朱曾慥編慥字端伯晉江人官至尚書哪直寳文 兩江總督 採進本

多是**卫庫全書**級■ 着一三二十二雜家類七 以禪助多聞又每書雖經節錄其存於今者以原 甚簡此所取者差寬爲稍不同耳南朱乙初古籍 臆妄改者所可同日語矣 猶詳慎不苟如此可見宋時風俗近古非明人逞 本相較未嘗改竄一詞如李繁鄴侯家傳下有注 多存慥又精於裁鑒故所甄錄大都遺文僻典可 也其書體例畧仿馬總意林每一書各刪削原文 云繁於泌皆稱先公今改作泌云云即一字之際 而取其奇麗之語仍存原目於條首但總所取者

事實類苑六十三卷家藏本 盛事官職儀制詞翰書籍典故沿革詩賦歌訴文 識 字標題曰祖宗聖訓君臣知遇名臣事迹德量 難於稽考因為選擇類次之分二十二門各以四 請大夫權發遣吉州軍州而江西通志亦未載其 履貫葢已不可考矣其書成於紹興十五年以栄 朱江少虞撰少虞始末未詳據序首自題稱左朝 ,朝野事迹見於諸家記錄者甚多而畔散不屬 **顧問奏對忠言讜論典禮音律官政治蹟衣冠** : 1. 子郭 稻

金足四屆全書終目 灰卷一百二十二雜家類七 極為浩博其中雜摭成編有一事為兩書所載而 之未免疎於簡汰然北朱 話所摘唐人詩句與朱朝事實無所關者亦概錄 先後並存者又如邊鎬稱邊和尚等事及諸家詩 名注條下共六十餘家凡十四年而後成故徵採 引之皆悉以類相從全錄原文不加增損各以書 識風俗雜志自序作二十八門葢傳錄之訛也所 書畫技藝忠孝節義將相才畧知人薦舉廣智博 章四六曠達隱逸仙釋僧道休祥夢兆占相醫藥 代遺文逸事畧具於

完帙敷 等書今皆久佚藉此尚考見一二是尤說家之總 話兩朝實訓熙寧奏對劉真之詩話李學士叢談 於史者良非誣也其間若國朝事始三朝聖政錄 檢勘諸本皆同疑為士禎筆誤或 **藁矣王士禎載此書作四十卷今本實六十三卷** 三朝訓鑒蓬山志忠言讜論元豐聖訓傅商公佳 斯王士禎居易錄稱為朱人說部之宏構而有碑 大 時所見偶非

白光し月とデオー | 1717 ここ雑家弊十 苦青民至爲立祠又趙抃治越州歲荒令貯米者 狀並徵引原文各著出典若所採九朝名臣傳諸 朱張鎡撰鎡字公甫官牽議郎直祕閣是書分為 事實又張方平知崑山縣收餘賦以給貧民而 反增價糶之而其後更賤民胥全活均云出四科 铁如所錄范仲淹鎮青社時設法免青民董置之 曹俱為修史者所據依故多與史合且可補其遺 學行已涖官陰德作文作詩六類統載朱名臣事 民數十年侵越之訟云出哲宗名臣傳令其書皆

ラミー王 全国十二十十二三三市時 自警編九卷 重葉總督 事君類子目十一拾遺類子目二共八類五十 之可為法則者凡學問類子目三操修類子目十 **管知江州其書乃編次宋代名臣大儒嘉言懿行** 朱趙善璙撰善琼太宗七世孫家於南海端平中 獻之徵則其致一也 證葢與朱子名臣言行錄體例雖殊而爲一 二齊家類子目四接物類子目七出處類子目五 不傳而三人本傳亦未載此類頻多均可以資考

金分 □ 庫全書 照 ■ 老」 正二十三 辦家類七 門兵門及拾遺一類則并及於壬八儉夫用垂 所列率人所習聞而樓析條分便於省覽其財賦 復先民篤厚之風故獨臚陳舊德以示斷限歟雖 南渡而還門戸立而黨局生議論繁而實用減非 棄取亦以宋時士大夫風俗淳厚惟汴都為極盛 諭 生南宋之季而所載至靖康而止其後惟朱子議 戒亦當時士大夫之藥石矣原本各注所引書名 目葢亦仿言行錄之體而少變其義例者也善歌 間為採入其餘多不甄錄固由時代相接難於 炯

大三四軍 AT書及丁 言行龜鑑八卷承樂大 石堂先生熊禾即學者所稱勿軒先生皆朱元間 祖質美嗜學有天下來世之志陳普即學者所稱 焉 政信其爲仁人君子又有大德甲辰熊禾序稱光 張君字紹先大德辛丑爲泉州推官賭其厯仕爲 **宋無可考見惟大德癸卯陳普作是書序稱襄國** 元張光祖編光祖元史無傳志乘亦不載其名始 **个多佚脱葢傳刻者失之諸本並同亦姑仍其舊** /火11-1111/1平部

金人工月金星祭里一人名一三十二维尔英七 有 錄作八卷葢 出處政事民政兵政八門黃虞稷千頃堂書目著 排比以成是編據原序稱分學問德行交際家道 善善錄名臣言行錄及博採名臣碑誌之文夏輯 矣初朱趙善璙作自警編錄前輩嘉言善行以示 刪潤者光祖乃即善療舊本益以典型錄厚德錄 矩發光祖欲為刊行熊禾以善療所編尚有未及 萬行醇儒不妄許可據其所言則紹祖亦君子 一枚舉為九百五十有五个原本散佚惟載於 門為一卷也原序又稱類列八 투

ていてき なきをし 其文體例殊為未善今惟以人統事以時代敘 免顛奸又或一 既各分編則一 依類排纂轉覺便於循覽又原序稱每類之中首 之以善行次之以嘉言先踐履後議論也然言行 分隸彌易糾紛今子目旣已無徵惟以所立八門 大綱易於包括宋人著書好立子目目愈繁碎 |永樂大典者尚存四百七十二 子目則不可復考然唐以前分類之書不過撮象 豆/24.11.11.11子印 事 人之名 人而言行並見尤難於割裂 類中先後複出時代未 一條而八十有一 則

說郛 母 定臣庫 会書我臣 ● 第二百二十二雜家知七 **嘗失矣宋元說部諸書每雜述詼諧侈陳神怪以** 理足以資人之感發亦所謂布帛菽粟之文雖常 供文士之談資是編所記雖平近無奇而篤實切 明陶宗儀編宗儀有國風尊經巳著錄考楊維楨 之標舉芳踪示人效法於光祖著書之本旨固未 **庶端緒不淆釐然易見雖編次視原本稍殊而要** 而不可厭者歟 百二十卷通行 百卷孫作滄螺集中有宗儀小傳

大三百里 公香取り 中鈔合其文以備一種者故其體例與左圭百川 畧存大概不必求全亦有原本久亡而從類書之 史志所不載宗儀叉何自得之乎都邛三餘贅筆 求其全帙當必積案盈箱不知按籍而求多厯代 學海逈殊後人見其目錄所列數盈千百遂妄意 必無虛說葢宗儀是書實仿曾慥類說之例句書 學海諸書足之與孫作楊維楨所記又異豈邛 又稱說郛本七十卷後三十卷乃松江人取百川 亦稱所輯說郛一 Nation 1.1 11 子野 一百卷二八同時友善目賭其書

金 吳四屋全量彩 ■ 一人 第二百二二雜家類七 百卷已非宗儀之舊此本百二十卷爲 各註補字是竟用其說竄吹舊本葢郁文博所編 為大學石經大學古本中庸古本三書目錄之下 種冠之云云今考此本已無子書經註而開卷即 深味宜刪此二写以鹽官王氏所載學庸古本數 倩語稱所錄子家數則自有全書經籍諸註似無 而今考百川學海所有此本仍載又卷首引黃平 博序稱與百川學海重出者三十六種悉巳刪除 原書殘缺僅存七十卷耶考宏治丙辰上海郁文

國 • 朝順治丁亥姚安陶廷所編又非文博之舊矣其 式之酉陽穕爼別立三名陳世崇之隨隱筆記詭 出 議之外又別出一青瑣詩話孔氏雜說之外又別 時人又遠在其後今其書並列集中則不出宗儀 為宋之王逵漢雜事祕羊出於楊慎偽撰慎正德 雖在明初而於宗儀為後輩自商維濟稱海始誤 標二目宗儀之謬決不至斯又王逵蠡海集其人 中如春秋雜九種之後又別出一春秋雜青瑣高 **珩璜新論周密之武林舊事分題九部段成** 

**欽定四庫全書總目取べき]百十三雄家類七** 亦考證之淵海也所錄凡一千二百九十二種自 写音周與軸同个亦仍之至珽所續四十六卷皆 **今仍其舊原本卷字皆作号卷首引包衡之說謂 今者斷簡殘編往往而在佚文瑣事時有徵焉固** 又為顯證然雖經竄亂崖暑終存古書之不傳於 存其目不復留溷簡牘焉 明八餖釘之詞全書尚不足觀摘錄益無可取別 |三十二||巻劉餗傳載以下有錄無書者七十六種 一百四十二卷 採進本

種各自為帙而畧有刪節考割裂古書分隸門目 其舊第者則始梁庾仲容之子鈔其存於今者唐 覽以下皆其倒也裒聚諸家摘存精要而仍不 者始魏繆襲王象之皇覽其存於今者修文殿御 載逸事散錄雜纂三家所採凡一百三十五種每 明陸楫編楫字思豫上海人是編輯錄前代至明 曰說淵載别傳家三曰說畧載雜記家四曰說纂 小說分四部七家一日說選載小錄編記二家一 馬總意林以下皆其例也楫是書作於嘉靖甲 薍

**大包可且在整息**目

//卷1 王 日三字市

島

及陶宗儀說郛捃拾繁富鉅細兼包而每書皆削 所載諸書雖不及曾慥類說多个人所未見亦不

玉芝堂談薈三十六卷浙江巡撫 有所長其蒐羅之力均之不可没焉 其俘文尚存始末則視二書為詳贍參互比較各 明徐應秋編應秋字君義浙江西安人萬厯丙辰

進士官至福建左布政使是書亦考證之學而嗜

博愛奇不免兼及瑣屑之事其例立一標題為綱 而備引諸書以證之大

、抵採自小說雜記者爲多

次至日重合季题三一大张二三三三子部 廣記陶宗儀輯說郛其中迂怪居多而皆以取材 事舊聞往往而在故考證掌故訂證名物者亦錯 識 宏富足資採擇遂流傳不廢應秋此編雖體例與 出其間披沙揀金集腋成裘其博治之功頗足以 解頤之傷,不各之談薈竊附說鈴其宗旨固主於 應秋自序有曰未及典謨垂世之經奇止輯史傳 抵冗雜之過在讀者別擇之而已昔李昉修太平 一書小别而大端相近至來集之之樵書全仿應 小也然其捃摭既廣則兼收並蓄不主一途軼 豆

元明事類鈔四十卷湖北巡撫 金大口匠とする上一次二上二二難家類七 國朝姚之駰撰之駰有後漢書補逸已著錄是編葢 秋而作然有其蕪漫而無其博雕故置彼取此焉 如引詩會小傳以誌馬祖常之耿直引名臣言行 世大典以證銓法之密皆足補元史各志之關又 則引劉郁西使記以證拓境之遠誌任官則引經 流似乎類書質則非類書也其所纂述大抵典則 摘取元明諸書分門隸載亦江少虞事實類苑之 可觀如元代故實載於說部者最少是書誌疆域 夏

大AI可且在基型Ⅱ ■ AT THE 于部 說部浩如烟海所釆亦未為詳賅然萬應以後門 之乃前後互引失於考證未免稍有疎畧至明代 尸交爭思怨糾纏餘波及於翰墨凡所記錄多 字以見與同姓互之訂其說文是以仍各 文閣之更重記只遜引長安客話謂上 記官殿 知即興服志之質孫 更可與析津志諸書相麥唯記奎章閣而不知崇 錄以誌電肅之公正亦足裡元史列傳所 門襟取元掖庭記元人詩集搜羅 乙所由 自天子王衛士皆有各書其舊自天子王衛士路以班孫東日經以正今以班孫東日經以正今以班 直 之 頗 博

閣著錄 右雜家類雜纂之屬十 足憑之駰或病其冗濫而矜慎取之歟是亦不失 闕疑之義也 故不入此類焉 說苑新序亦皆級合羣言然不得其所出矣 不一故悉列之雜家吕覽准南子韓詩外傳 業以上諸書皆採摭衆說以成編者以其源 部五百三十六卷皆文淵

明陸深撰深有南巡日錄巳著錄是編乃其劄記 輯三卷其中惟史通會要撫劉知幾之精華獎括 卷同異錄二卷蜀都雜抄一卷古奇器錄一 中和堂隨筆二卷史通會要三卷春雨堂雜抄 之文其子档彙為 排纂别分門目而採諸家之論以佐之凡十有人 錄二卷春風堂隨筆 卷停驂錄 一卷願豐堂漫書 一卷續停擊錄三卷豫章漫抄四卷 一集凡傳疑錄二卷河汾燕閒 一卷一谿山餘話一卷玉堂。 筆 一卷知命錄 卷金臺紀開 一卷書

**公定四庫全電機目【卷一百]十三雑家類七** 言瑣語錯出其間而核其大致則足資考證者多 書八法其餘則皆訂正經典綜述見聞雜論事 專爲治法而作古奇器錄皆述珍異書輯皆論六 嘉言撮其大畧分上下二篇上曰典 常下曰論述 篇專為史學而作同異錄為進御之本採擇古 在明人說部之中猶爲佳本舊刻本四十卷个 每一官一地各為一 汰南巡日錄大駕北還錄准封日記南遷日記 集部帙雖别體例則 一雌讕

少室山房筆叢正集三十二卷續集十六卷兩准馬 できる王三香語! 中此其生平考据雜說也分正續二集爲書十六 明胡應麟撰應麟字元瑞蘭谿人萬厯丙子舉 卷焉 皆論子部諸家得失曰四部正譌三卷皆孜證古 種 以依附王世貞得名故明史文苑傳附載世貞傳 迹日史書佔畢六卷皆論史事曰九流緒論三卷 來偽書曰三墳補遺二卷專論竹書紀年逸周書 日經籍會通四卷皆論古來藏書存亡聚散之 1411年11年1年1

**到是U**及全體系下 皆論內典曰丹鉛新錄八卷曰藝林學山八卷則 博聞强記之事曰莊嶽委譚二卷皆正俗說之附 皆採撫小說家言曰華陽博議二卷皆雜述古來 會日玉壺遐覽四卷皆論道書日雙樹幻鈔三卷 穆天子傳三種以補三墳之缺曰二酉綴遺三卷 博自矜而姓說處多不能免如沈德符散帝軒剩 語摘其以峩嵋為佛經金剛山之非辨婦人弓足 專駁楊慎而作其中徵引典籍極為宏富頗以辨 乙前後兩岐王士禎香祖筆記摘其誤以秦宜禄 第一下二丁三 維家類七 大型甲里二番 文總目但經史有所論列子集闕如葢據六 記以為竹書實出於晉太康年而應麟以為咸寧 謂廣川書跋惟以說經為主自餘諸家僅存卷數 所載然六 反糾楊慎為非是今核其所說如經籍會通謂崇 異志而不引沈亞之為疎漏近時張文斌螺江 非廣川書跋也叉謂孟子七篇而漢志十 妻爲吕布妻唐人 「銀解題然書錄解題所言乃廣川藏書志 集中亦尚存子部之半非竟關也又 、長安女兒踏春陽 一絶止據博 集 E

毎気レ月 金書が上していていていままます 四篇以四合七非十 七字誤分為二然前已引困學紀聞稱孟子外篇 而何何隔兩頁而自矛盾

也又謂先孔子而蓍書者黃帝史孔甲盤盂二十 六篇然漢志注明云依托何以謂書在孔子前也 叉謂漢志兵家兒子一篇書名奇怪然兒古倪字 奇怪之有也又云刊板當始於隋引開皇十三年 故倪寬史亦作見寬見子名書亦猶孫子吳子何

悉令雕造非雕板也史書佔畢大抵掉弄筆端

**刺廢係遺經悉令雕板為證然史文乃廢像遺經** 

大戶可且在事息司 美二百二十二十部 晟而師堯甘羅十二上卿少矣而伯益五晟掌 **刧盟為葵邱之會以素問之雷公為黃帝弟子更** 尤少以小說委談八之史論殊為可怪至以曹沫 不知吕氏春秋有史角之明文謂隋志不載孔叢 不知出何典記矣九流緒論謂史佚為墨家之 所考證至云世知項橐八歲而師孔不知蒲 不知隋志孔叢七卷在論語類中不在儒家類 孔傳續六帖鄭樵通志所無不知傳與樵俱建 興間人 同時之書樵安能著錄四部 F

其託各梅堯臣者乃碧雲騢謂衛元嵩元命包襲 **憚於自名者魏泰筆錄然東軒筆錄實泰自署名** 

且春秋有元命苞苞字從草孝經并無元命包也 至謂子華子之程本即偽撰者之姓名益無稽矣

始約舉其一二尚不止沈德符等之所糾葢捃摭

既博又復不自檢點抵牾橫生勢固有所不免然

為事應麟獨研索舊文麥校疑義以成是編雖利

明自萬厯以後心學橫流儒風大壞不復以稽古

春秋孝經緯之名然元嵩書名元包不名元命包

鈍吟襍錄十 國朝馮班撰班字定遠號鈍吟居士常熟人卷首自 **卷班著述頗多殁後大牛散佚其猶子武搜求** 讀古淺說一 署曰上黨從郡垒也是書凡家誠二卷正俗一卷 錄此 讀書種子誠公論也楊慎陳耀文焦竑諸家之後 鈍互陳而可資考證者亦不少朱彝尊稱其不失 卷遺言一 十卷浙江巡撫 書猶所謂差强人意者矣 卷通鑑綱目糾謬一卷將死之鳴 卷嚴氏糾謬一卷日記 卷誠子帖

飲定四百全書與目 ₹61m1E1子市

1111

 $\equiv$ 

論明末儒者之弊頗為深切正俗皆論詩法讀古 葉僅得九種裒而成編家誠多涉歴世故之言其

帖論筆法末附以社約四則皆論讀書之法遺言 嚴氏糾謬辨嚴羽滄浪詩話之非誠子帖多評古 淺說多評詩文日記多說筆法字學皆間附雜論

守正者多迂騖名者多詐明季詩文沿王李鍾譚 之餘波僞體競出故班諸書之中祗斥或傷之激 成書僅標識五條武錄而存之耳大抵明季諸儒 將死之鳴皆與家誠相出入通鑑綱目糾謬尚未 大色里里 公養意丁 「雜家類雜編之屬三部九十一 間有偏駁要所得者為多也 然班學有本源論事多達物情論文皆究古法雖 部自行者惟四十二家叉載地記二百五十 為此書澄本之外其舊書並多零失見存別 卷莊曰陸澄合山海經以來一百六十家以 名者惟隋志載地理書一百四十九卷錄 案古無以數人之書合為一 |卷註曰梁任昉增陸澄之書八十四家以 /iuk-11-1111-11一部 一卷皆文淵閣著錄 編而别題以總 1.14.4

建分口月八百里彩上 一人光二三二二种家類七 者惟十二家是為叢書之祖然猶一家言也 為總帙而不可名以一 左挂百川學海出始兼裒諸家雜記至明而 為此記其所增舊書亦多零失見存别部行 列之此門 功者悉别爲一門謂之雜編其一人之書合 完帙益繁明史藝文志無類可歸附之類書 罪其實當入之雜家於義為九个雖離析 灣各著於錄而附存其目以不沒蒐輯之 類者旣無所附麗亦